

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা।

সংবাদ গতিধারা

ঢাকা, সোমবার ৭ ডিসেম্বর ২০১৫, ২৩ অগ্রহায়ণ ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। এনডিসি পাঠ্যক্রমে কৌশল ও রীতিনীতি অন্তর্ভুক্ত করতে রাষ্ট্রপতির গুরুত্বারোপ
- ২। কারও কাছে হার মানবো না, মাথা উঁচু করে চলবো  
: বিমানবাহিনীতে বিমান ও হেলিকপ্টার অন্তর্ভুক্তি অনুষ্ঠানে প্রধানমন্ত্রী
- ৩। পাকিস্তানের সঙ্গে সম্পর্কের মূল্যায়ন হচ্ছে : পররাষ্ট্রমন্ত্রী
- ৪। ফেসবুক ফিল্টারিংয়ের অধিকার চায় সরকার  
- শিগগিরই খুলে দেওয়ার ব্যাপারে সিদ্ধান্ত : স্বরাষ্ট্রমন্ত্রী
- ৫। শিক্ষাঙ্গণে শিল্পচর্চার ওপর গুরুত্ব দিতে হবে : তথ্যমন্ত্রী
- ৬। নির্বাচন আচরণবিধি লঙ্ঘনের অভিযোগে তিনজন সংসদ সদস্যকে নির্বাচন কমিশনের নোটিশ
- ৭। চিরনিদ্রায় শায়িত ভাষাসংগ্রামী তোফাজ্জল হোসেন
- ৮। দেশের একটি শিশুও শিক্ষাবঞ্চিত থাকবে না : মহিলা ও শিশু বিষয়ক প্রতিমন্ত্রী
- ৯। সড়কে টোল আদায় করা যাবে না : সিটি কর্পোরেশন ও পৌরসভাকে নির্দেশ
- ১০। মোবাইল জ্যামারসহ জেএমবির তিন সদস্য গ্রেফতারের পর রিমাণ্ডে
- ১১। জঙ্গি তৎপরতা ঠেকাতে সীমান্তে সতর্ক বিজিবি  
-সীমান্ত হত্যা তুলনামূলক কমেছে : বিজিবি মহাপরিচালক
- ১২। প্রবাসীরাও গৃহস্থান পাবেন : বাংলাদেশ ব্যাংকের প্রজ্ঞাপন

১। এনডিসি পাঠ্যক্রমে কৌশল ও রীতিনীতি অন্তর্ভুক্ত করতে রাষ্ট্রপতির গুরুত্বারোপ

রাষ্ট্রপতি মো. আবদুল হামিদ বর্তমান বিশ্বের ব্যাপক বিশৃঙ্খলা ও হুমকির কথা উল্লেখ করে ক্রমবর্ধমান এসব হুমকি মোকাবিলায় ন্যাশনাল ডিফেন্স কলেজের (এনডিসি) পাঠ্যক্রমে কৌশল, রীতিনীতি ও ব্যবস্থাপনার বিষয় অন্তর্ভুক্ত করার প্রতি গুরুত্বারোপ করেছেন; যাতে এখানকার গ্র্যাজুয়েটরা নীতিনির্ধারক হিসেবে সাফল্যের সঙ্গে পরিস্থিতি মোকাবিলা করতে পারে। গতকাল ৬ ডিসেম্বর রোববার ন্যাশনাল ডিফেন্স কোর্স ২০১৫ এবং আর্মড ফোর্সেস ওয়ার কোর্স-২০১৫তে অংশগ্রহণকারীরা বঙ্গভবনে সৌজন্য সাক্ষাৎ করতে গেলে রাষ্ট্রপতি এসব কথা বলেন। সূত্র-জনকণ্ঠ (শেষ পৃ.,ক.৬), ডেইলি স্টার (পৃ.৩,ক.৩), বাংলাদেশ টুডে (শেষ পৃ.,ক.৬)।

২। কারও কাছে হার মানবো না, মাথা উঁচু করে চলবো

: বিমানবাহিনীতে বিমান ও হেলিকপ্টার অন্তর্ভুক্তি অনুষ্ঠানে প্রধানমন্ত্রী

মুক্তিযুদ্ধে বিজয়ের কথা জাতিকে মনে রাখার তাগিদ দিয়ে প্রধানমন্ত্রী শেখ হাসিনা বলেছেন, আমরা কারও কাছে হার মানি না, পরাজিত হই না। বিশ্বে আমরা মাথা উঁচু করে চলবো। সেইভাবে আমাদের নিজেদের গড়ে তুলতে হবে। গতকাল ৬ ডিসেম্বর রোববার বাংলাদেশ বিমান বাহিনীতে রাশিয়ার তৈরি কমব্যাট প্রশিক্ষণ বিমান ইয়াক-১৩০ এবং ইতালির তৈরি অনুসন্ধান ও উদ্ধার হেলিকপ্টার অগাস্টা এডব্লিউ-১৩৯ এর অন্তর্ভুক্তি উপলক্ষে আয়োজিত এক অনুষ্ঠানে প্রধানমন্ত্রী এসব কথা বলেন। সূত্র-ইত্তেফাক (পৃ.১,ক.৪), প্রথম আলো (পৃ.২,ক.২), জনকণ্ঠ (পৃ.১,ক.৬), নিউজ টুডে (পৃ.১,ক.৫), ইন্ডিপেনডেন্ট (শেষ পৃ.,ক.২)।

৩। পাকিস্তানের সঙ্গে সম্পর্কের মূল্যায়ন হচ্ছে : পররাষ্ট্রমন্ত্রী

সম্প্রতি দুই যুদ্ধাপরাধীর মৃত্যুদণ্ড কার্যকর করার পর পাকিস্তান যে ধরনের আচরণ করেছে এরপর দেশটির সঙ্গে বাংলাদেশের সম্পর্ক নতুন করে মূল্যায়ন করা হচ্ছে বলে জানিয়েছেন পররাষ্ট্রমন্ত্রী আবুল হাসান মাহমুদ আলী। গতকাল ৬ ডিসেম্বর রোববার রাজধানীর ধানমন্ডির ডব্লিউডিএ মিলনায়তনে একাত্তরের ঘাতক দালাল নির্মূল কমিটি আয়োজিত এক অনুষ্ঠানে প্রধান অতিথির বক্তব্যে তিনি এ কথা বলেন। সূত্র-ইনকিলাব (শেষ পৃ.,ক.৪), ইত্তেফাক (শেষ পৃ.,ক.২), জনকণ্ঠ (পৃ.১,ক.৬), ডেইলি স্টার (পৃ.১,ক.৩), ইন্ডিপেনডেন্ট (পৃ.১,ক.৭)।

৪। ফেসবুক ফিল্টারিংয়ের অধিকার চায় সরকার

- শিগগিরই খুলে দেওয়ার ব্যাপারে সিদ্ধান্ত : স্বরাষ্ট্রমন্ত্রী

ফেসবুকে সাম্প্রদায়িক উস্কানি, রাষ্ট্রের জন্য ক্ষতিকর, নারীর প্রতি অবমাননাকরসহ বিকৃত ও অসামাজিক পোস্টগুলো ফিল্টারিংয়ের অধিকার চায় বাংলাদেশ। পাশাপাশি এখানে ফেসবুকের অফিস তৈরি, এডমিন বসানো ও চুক্তি করার ব্যাপারেও আগ্রহ দেখিয়েছে সরকারের প্রতিনিধিরা। ফেসবুকের দুই কর্মকর্তা বলেছেন, বাংলাদেশকে এসব ব্যাপারে তারা সহযোগিতা করতে আগ্রহী। তবে সদর দফতরের উর্ধ্বতন কর্মকর্তাদের সঙ্গে আলোচনার পর বাংলাদেশকে এসব বিষয়ে অবহিত করবেন তারা। গতকাল ৬ ডিসেম্বর রোববার স্বরাষ্ট্র মন্ত্রণালয়ে ফেসবুকের দুই উর্ধ্বতন কর্মকর্তার সঙ্গে বৈঠক করেছেন স্বরাষ্ট্রমন্ত্রী আসাদুজ্জামান খান কামাল, টেলিযোগাযোগ প্রতিমন্ত্রী তারানা হালিম এবং তথ্য ও যোগাযোগ প্রতিমন্ত্রী জুনাইদ আহমেদ পলকসহ পুলিশ, র‍্যাভ ও গোয়েন্দা সংস্থাগুলোর উর্ধ্বতন কর্মকর্তারা। সূত্র-ইত্তেফাক (পৃ.১,ক.২), প্রথম আলো (পৃ.১,ক.১), যুগান্তর (পৃ.১,ক.২), ডেইলি স্টার (পৃ.১,ক.৭), ইন্ডিপেনডেন্ট (পৃ.১,ক.৪)।

৫। শিক্ষাঙ্গণে শিল্পচর্চার ওপর গুরুত্ব দিতে হবে : তথ্যমন্ত্রী

তথ্যমন্ত্রী হাসানুল হক ইনু বলেছেন, সাম্প্রদায়িকতার আবর্জনা পরিষ্কারে শিল্প-সাহিত্যচর্চা অন্যতম শক্তিদাতা। এ জন্য দেশের শিক্ষাঙ্গণে শিল্প-সাহিত্যচর্চার ওপর সংশ্লিষ্টদের বিশেষ গুরুত্ব দিতে হবে। গতকাল ৬ ডিসেম্বর রোববার রাতে রাজধানীর মিরপুর ক্যান্টনমেন্টে বাংলাদেশ ইউনিভার্সিটি অব প্রফেশনালস (বিইউপি) মিলনায়তনে বিইউপি লিট-ফেস্ট ২০১৫ এর পুরস্কার বিতরণী অনুষ্ঠানে তথ্যমন্ত্রী এসব কথা বলেন। সূত্র-সমকাল (পৃ.৪,ক.৩)।

৬। নির্বাচন আচরণবিধি লঙ্ঘনের অভিযোগে তিনজন সংসদ সদস্যকে নির্বাচন কমিশনের নোটিশ

আগামী ৩০ ডিসেম্বর অনুষ্ঠেয় পৌরসভা নির্বাচনে আচরণবিধি লঙ্ঘনের অভিযোগে ক্ষমতাসীন আওয়ামী লীগের তিনজন সংসদ সদস্যকে কারণ দর্শাতে নোটিশ দিয়েছে নির্বাচন কমিশন (ইসি)। নোটিশপ্রাপ্তরা হলেন-বরগুনা-২ আসনের হাচানুর রহমান রিমন, ঢাকা-২০ আসনের এম এ মালেক ও নাটোর-২ আসনের সাংসদ শফিকুল ইসলাম শিমুল। তিন সংসদ সদস্যকে তিন দিনের মধ্যে অভিযোগের বিষয়ে তাদের বক্তব্য নির্বাচন কমিশনকে জানাতে হবে। গতকাল ৬ ডিসেম্বর রোববার নির্বাচন কমিশন সচিব সিরাজুল ইসলাম এ তথ্য জানান। সূত্র-ভোরের কাগজ (পৃ.১,ক.৫), সমকাল (পৃ.১,ক.২), জনকণ্ঠ (পৃ.১,ক.২), ইন্ডিপেনডেন্ট (শেষ পৃ.,ক.৭)। ইত্তেফাক এ বিষয়ে লিড নিউজ ছেপেছে।

৭। চিরনিদ্রায় শায়িত ভাষাসংগ্রামী তোফাজ্জল হোসেন

বায়ান্নর ভাষা আন্দোলনে কবি ও গীতিকার হিসেবে সক্রিয় ভূমিকা পালন করেছিলেন তোফাজ্জল হোসেন। একাধারে ভাষা সংগ্রামী, কবি ও সাংবাদিক হিসেবে পরিচিত মানুষটির মরদেহে কেন্দ্রীয় শহীদ মিনারে শ্রদ্ধা জানান সাংস্কৃতিক ও রাজনৈতিক অঙ্গনের ব্যক্তির। বাদ জোহর ঢাকা বিশ্ববিদ্যালয়ে কেন্দ্রীয় মসজিদে তার জানাজা শেষে মিরপুর বুদ্ধিজীবী কবরস্থানে তাকে চিরনিদ্রায় শায়িত করা হয়েছে। তোফাজ্জল হোসেনের মরদেহে ফুল দিয়ে শেষ শ্রদ্ধা নিবেদন করেন তথ্যমন্ত্রী হাসানুল হক ইনু। সূত্র-সমকাল (পৃ.১৯, ক.৩), জনকণ্ঠ (শেষ পৃ.,ক.৫)।

৮। দেশের একটি শিশুও শিক্ষাবঞ্চিত থাকবে না : মহিলা ও শিশু বিষয়ক প্রতিমন্ত্রী

মহিলা ও শিশু বিষয়ক প্রতিমন্ত্রী মেহের আফরোজ চুমকি বলেছেন, দেশের একটি শিশুও শিক্ষা থেকে বঞ্চিত থাকবে না। এ লক্ষ্যে সরকার কাজ করে যাচ্ছে। দেশের সকল শিশুকে যোগ্য নাগরিক হিসেবে গড়ে পালন করা হবে। ২০৪১ সালে উন্নত রাষ্ট্রে পরিণত হতে পারবে। তিনি বলেন, বাংলাদেশ পাঁচ বছরের নিচে শিশু মৃত্যু হাজারে ৪১ জন এবং ইনফেন্ট মরটালিটি হাজারে ৩২ জনে নামিয়ে এনেছে। প্রতিমন্ত্রী গতকাল ৬ ডিসেম্বর রোববার রাজধানীর গুলশানে স্পেকট্রা কনভেনশন সেন্টারে বাংলাদেশ ইসিডি নেটওয়ার্ক (বেন) আয়োজিত জাতীয় ইসিডি (আরলি চাইল্ডহুড ডেভেলপমেন্ট) কনফারেন্সে ২০১৫ এর উদ্বোধন অনুষ্ঠানে প্রধান অতিথির বক্তৃতায় এ সব কথা বলেন। সূত্র-ইনকিলাব (পৃ.১,ক.১), সমকাল (পৃ.২,ক.৪), নিউজ টুডে (পৃ.৩,ক.২), ইন্ডিপেন্ডেন্ট (পৃ.৩,ক.৬), নিউজ টুডে (পৃ.৩,ক.২)।

৯। সড়কে টোল আদায় করা যাবে না : সিটি কর্পোরেশন ও পৌরসভাকে নির্দেশ

সারাদেশে সিটি কর্পোরেশন ও পৌরসভা কর্তৃক তাদের অধিক্ষেত্রে সড়ক ও মহাসড়কে টোল আদায় নিষিদ্ধ করেছে স্থানীয় সরকার মন্ত্রণালয়। গতকাল ৬ ডিসেম্বর রোববার স্থানীয় সরকার মন্ত্রণালয় থেকে এ সম্পর্কে নির্দেশনা জারি করা হয়েছে। সূত্র-ইত্তেফাক (পৃ.১,ক.৭), সমকাল (শেষ পৃ.,ক.২), জনকণ্ঠ (পৃ.১,ক.১),

১০। মোবাইল জ্যামারসহ জেএমবির তিন সদস্য গ্রেফতারের পর রিমাণ্ডে

জঙ্গিদের হাতে এখন অত্যাধুনিক মোবাইল জ্যামার। কোথাও বৈঠকের আগে তারা ওই এলাকায় এই জ্যামার স্থাপন করেন। যেন ওই এলাকার মোবাইল ফোন অকার্যকর থাকে। আইনশৃঙ্খলা বাহিনীও যেন কোনো তথ্য না পায়। ঢাকা মহানগর গোয়েন্দা পুলিশের হাতে গত ৫ ডিসেম্বর শনিবার রাতে মোবাইল জ্যামারসহ জেএমবির তিন সদস্যকে গ্রেফতারের পর প্রাথমিক জিজ্ঞাসাবাদে তারা এ তথ্য জানিয়েছে। গতকাল ৬ ডিসেম্বর রোববার ডিএমপির মহানগর গোয়েন্দা পুলিশের যুগ্ম কমিশনার মনিরুল ইসলাম এক সংবাদ সম্মেলনে এসব তথ্য জানান। সূত্র-ভোরের কাগজ (পৃ.১,ক.৫), জনকণ্ঠ (পৃ.১,ক.৫), সংবাদ (পৃ.১,ক.৬)।

১১। জঙ্গি তৎপরতা ঠেকাতে সীমান্তে সতর্ক বিজিবি

-সীমান্ত হত্যা তুলনামূলক কমেছে : বিজিবি মহাপরিচালক

যেকোন ধরনের জঙ্গি তৎপরতা ঠেকাতে সীমান্তে কঠোর নজরদারি ও প্রতিবেশী দেশগুলোর সঙ্গে সার্বক্ষণিক যোগাযোগ অব্যাহত রয়েছে। যদিও সীমান্ত হত্যাকাণ্ড আগের তুলনায় অনেক কমেছে, তবে একেবারে বন্ধ করা সম্ভব হয়নি। এজন্য বিএসএফের পাশাপাশি যারা রাতে অবৈধভাবে সীমান্ত পারাপার করছেন তারাও দায়ী। সীমান্তে হত্যাকাণ্ড একেবারে বন্ধ হবে যদি গরু চোরাচালান বন্ধ হয়। ডিজি হিসেবে দায়িত্ব নেওয়ার তিন বছর পূর্তি উপলক্ষে গতকাল ৬ ডিসেম্বর রোববার বিজিবি সদর দফতরে এক সংবাদ সম্মেলনে সাম্প্রতিক পরিস্থিতি ও নিজের বিভিন্ন অর্জন নিয়ে কথা বলেন বিজিবির মহাপরিচালক (ডিজি) মেজর জেনারেল আজিজ আহমেদ। সূত্র-সংবাদ (পৃ.১,ক.৩), জনকণ্ঠ (শেষ পৃ.,ক.৫), ইনকিলাব (পৃ.১,ক.৬), ডেইলি সান (পৃ.১,ক.৩), ডেইলি স্টার (পৃ.৩,ক.৬)।

১২। প্রবাসীরাও গৃহখণ পাবেন : বাংলাদেশ ব্যাংকের প্রজ্ঞাপন

ব্যাংক থেকে প্রবাসী বাংলাদেশিদের জন্য গৃহখণ উন্মুক্ত করল বাংলাদেশ ব্যাংক। ভোক্তাখণ নীতিমালার আওতায় বাড়ি বা ফ্ল্যাট কেনায় মোট ব্যয়ের সর্বোচ্চ ৫০ শতাংশ পর্যন্ত খণ দিতে পারবে ব্যাংক। তবে খণ নিয়ে জমি কেনা যাবে না। প্রবাসীদের পাঠানো অর্থ বিনিয়োগে আনতে কেন্দ্রীয় ব্যাংক এ সিদ্ধান্ত নিয়েছে। বাংলাদেশ ব্যাংক গতকাল ৬ ডিসেম্বর রোববার এ বিষয়ে একটি সার্কুলার ব্যাংকগুলোর কাছে পাঠিয়েছে। সূত্র-সমকাল (পৃ.১,ক.৪), ইত্তেফাক (পৃ.১৮,ক.৫), প্রথম আলো (পৃ.১২,ক.১), ডেইলি স্টার বিজনেস (পৃ.১,ক.১), ডেইলি সান বিজনেস (পৃ.১,ক.৬)।

সম্পাদকীয়

ক. প্রথম আলো, সংবাদ, ইনকিলাব, যায়যায়দিন, ডেইলি সান, নিউ নেশন : দিনাজপুরের কাহারোল উপজেলার কান্তজিউ মন্দির প্রাঙ্গণে রাসমেলা উপলক্ষে আয়োজিত যাত্রাপালার আসরে বোমা বিস্ফোরণের ঘটনা কোনো বিচ্ছিন্ন ঘটনা নয় বরং এ ধরনের একের পর এক ঘটনা রাষ্ট্রীয় নিরাপত্তার জন্য বিপদ ডেকে আনতে পারে এ আশঙ্কা প্রকাশ করে এসব অপশক্তিকে রুখতে এসব হামলায় জড়িতদের অবিলম্বে গ্রেফতার ও বিচারের দাবি;

- খ. **ইত্তেফাক** : প্রতি বৎসরের মতো এবারও বাংলাদেশে উত্থাপিত ‘শান্তির সংস্কৃতি’ বিষয়ে প্রস্তাবনা জাতিসংঘের সাধারণ পরিষদে গৃহীত হওয়ার কথা উল্লেখ করে বিশ্বে ক্রমবর্ধমান অশান্তি দূর করতে গৃহীত প্রস্তাব যথাযথভাবে বাস্তবায়িত হবে বলে প্রত্যাশা ব্যক্ত;
- গ. **সমকাল** : রাজধানীতে ভ্রাম্যমাণ আদালত বিভিন্ন চিকিৎসাকেন্দ্রে অভিযান চালিয়ে মেয়াদোত্তীর্ণ ওষুধ ও চিকিৎসা সরঞ্জাম, বিভিন্ন ডিগ্রি উল্লেখ করে ভুয়া চিকিৎসক, অপরিচ্ছন্ন অপারেশন থিয়েটার ও দূষিত রক্ত সরবরাহ এসব চিত্রের সন্ধান পাওয়াকে ভয়াবহ উল্লেখ করে জীবন নিয়ে এ মরণ খেলা বন্ধ করতে কঠোর ব্যবস্থা নেওয়ার ওপর গুরুত্বারোপ;
- ঘ. **যুগান্তর** : বাংলাদেশে ব্যবসায় নিয়োজিত বিদেশি এয়ারলাইন্সগুলো সরকারের প্রাপ্য শুল্ক ফাঁকি দিয়ে বছরে প্রায় তিন কোটি টাকা পাচার করছে উল্লেখ করে এদের সব অনিয়ম দুর্নীতি কঠোর হাতে দমন করার সুপারিশ;
- ঙ. **যায়যায়দিন** : অন্য কেমিক্যালের নামে অবৈধভাবে বিভিন্ন শুল্ক বন্দর দিয়ে দেশে প্রবেশ করছে ফরমালিন এ ব্যাপারে উদ্বেগ প্রকাশ করে এর জন্য দায়ী অসাধু ব্যবসায়ীদের চিহ্নিত করে আইনি ব্যবস্থা নেওয়ার দাবি;
- চ. **ডেইলি স্টার, সংবাদ** : জঙ্গি গ্রেফতারে নিরাপত্তার স্বার্থে বাড়ির মালিক ও ভাড়াটিয়াদের সম্বন্ধে ব্যক্তিগত তথ্য সংগ্রহ করতে ডিএমপির ফরম বিতরণের উদ্যোগ জনসম্মুখে প্রকাশিত না করায় জনমনে উদ্বেগ দেখা দেওয়ায় এ ব্যাপারে প্রয়োজন যথার্থ আইনি প্রক্রিয়া বলে অভিমত;
- ছ. **ইন্ডিপেন্ডেন্ট** : দেশের ধর্মীয় নেতা বিশেষ করে মসজিদের ইমামদের প্রতি সন্ত্রাসী তৎপরতা বন্ধে সরকারকে সহযোগিতা করতে আইজিপি’র আহ্বানের পরিপ্রেক্ষিতে যথাযথ সাড়া প্রাপ্তির প্রত্যাশা;
- জ. **নিউজ টুডে** : ঢাকা মহরে ৩৪টি ফুট ওভারব্রিজ থাকলেও গুটিকয়েক সঠিকভাবে ব্যবহৃত হওয়ার পরিপ্রেক্ষিতে অবশিষ্টগুলো যেন ব্যবহৃত হয় সেজন্য রাস্তা ক্রসিং পয়েন্ট পরিবর্তন করে স্টিলের ব্রিজগুলো স্থানান্তর করা, ময়লা আবর্জনা পরিষ্কার, ব্রিজের অস্থায়ী দোকান তুলে দেওয়াসহ নানাবিধ পদক্ষেপ নেওয়ার সুপারিশ;
- ঝ. **নিউ এজ** : সরকারি ও বেসরকারি বিশ্ববিদ্যালয়গুলোতে শিক্ষা ব্যবস্থায় সময় উপযোগী পরিবর্তন আনতে বিশ্ববিদ্যালয়ের মঞ্জুরী কমিশনকে যথার্থ উদ্যোগ নেওয়ার আহ্বান জানিয়ে সম্পাদকীয় প্রকাশ করেছে।

#### উপ-সম্পাদকীয়

**ইত্তেফাক** পত্রিকায় প্রকাশিত ‘চাই ক্ষমতায়ন ও সুষ্ঠু নির্বাচন’ কলামে মুজাহিদুল ইসলাম সেলিম সংবিধানে রাষ্ট্রক্ষমতার গণতান্ত্রিক বিকেন্দ্রীকরণের যে ব্যবস্থার কথা বলা হয়েছে তা কার্যকর করার জন্য একদিকে স্থানীয় স্বশাসিত সংস্থার ক্ষমতায়ন যেমন অপরিহার্য তেমনই অপরিহার্য হলো অবাধ নিরপেক্ষ নির্বাচন বলে উল্লেখ করেছেন।

#### নিবন্ধ ও ফিচার

যায়যায়দিন পত্রিকায় প্রকাশিত ‘জাতীয় নেতৃত্ব থেকে বিশ্ব নেতৃত্বের প্রতীক শেখ হাসিনা’ শিরোনামের নিবন্ধে রতনতনু ঘোষ প্রধানমন্ত্রী শেখ হাসিনার নেতৃত্বের গুণাবলি, সাফল্য ও দৃঢ়তা ক্রমাগত বাড়ায় জাতীয় নেতৃত্বের সাথে সাথে বিশ্বনেতৃত্বে শেখ হাসিনার অবস্থান দৃঢ় হয়েছে বলে অভিমত প্রকাশ করেছেন।

#

ফারহানা/ফাহিমা/মরজিনা/সাদ্দা/বিপু/২০১৫/৯.০০ ঘণ্টা